

## **Madurese - Dha'-adha' Erroh Paperrangan Adu'a Alketab**

### **- Beginning WP Scriptures**

#### **Akone Alketab - Confession Scriptures**

**Ezra 9:7 Ngabidi dhari jamanna para bangatowa abdidalem sadaja kantos samangken, ommattepon Junandalem ka'dhinto dusa ka Junandalem. Lantaran dusa gapaneka abdidalem sadaja, para rato sareng para imamma ommattepon Junandalem epakala sareng to-rato manca. Ommat ka'dhinto epate'e, erampok sareng eangko' etawan ka ra-nagara laen; eya-seya tadha' karena, akadi kabadha'an e are mangken ka'dhinto.**

**Ezra 9:13 Abdidalem sadaja dusa ka Junandalem, ta' atoro' ka hokommepon Junandalem, daddi sareng Junandalem eparenge okoman. Namong abdidalem sadaja oneng, Guste, ja' okoman se eparengngagi Junandalem berra'na ta' saponapa manabi sabandhing sareng se kodu etanggung abdidalem sadaja, la'-mala' Junandalem gi' nolong masalamet abdidalem sadaja.**

**Nehemiya 9:1/2 E tanggal pa' lekor bulan jareya keya ra'yat Isra'il akompol. Reng-oreng jareya apowasa noduwagiya ja' la atobat dhari sa-dusana. Reng-oreng manca ejauwi. Menangka tandha ja' atena sossa, reng-oreng jareya akalambi karong, cethagga eburburi abu. Saellana jareya pas padha manjeng, ngakone dusana dibi' ban dusana bangatowana.**

**Jabur 24:3,4 Sapa se olle ongga ka Gumo'na PANGERAN, se olle maso' ka Dalemma? 4Oreng se tadha' calena pekkeran ban tengka gulina, se ta' asompa palsu ban ta' nyemba brahala.**

**Jabur 73:13 Parcoma sengko' ajaga sopaja tang ate berse; tadha' gunana sengko' ajauwi dusa.**

**Yesaya 59:2 Polana kajahadanna ba'na Pangeran ta' meyarsa'agi e bakto ba'na adu'a ka Salerana. Sa-dusana ba'na se mesa ba'na dhari Jehovah.**

**Yesaya 64:6 Abdidalem sadaja padha najjis, la'-mala' lalakon abdidalem sadaja se sae gi' cemmer sareng kotor. Abdidalem sadaja bakal mosna'a lantaran kajahadan dibi', akadi dhaun se elop se eabber angen.**

**Yeremiya 5:25 Tape sa-dusana ba'na jareya se andaddiyagi ba'na ta' bisa ane'madi jareya kabbi.**

**Hoseya 13:8 Sengko' nyerranga ba'na akantha baruwang se kaelangan dhu'-budhu'na. Bi' Sengko' ba'na ebit-sebbida. Akantha macan Sengko'**

**nyargebba ba'na e kennengnganna, ban akantha burun alas galak  
Sengko' bit-nyebbida ba'na.**

**Daniyel 9:8,9 To-rato abdidalem sadaja, para pamimpin sareng bangatowa  
abdidalem sadaja ampon padha ngalakone sabarang se matodhusan  
sareng ampon dusa ka Junandalem, Guste. 9 Junandalem talebat bellas  
ase sareng gampang nyapora, sanare abdidalem sadaja alaban ka  
Junandalem.**

**Markus 9:24 E bakto jareya keya eppa'na kana' gella' aera', "Abdina  
parcaja, Namong kaparcaja'an abdina gi' korang. Nyo'ona tolong  
tamba'agi!"**

**Lukas 11:2 Dhabuna Isa, "Mon ba'na adu'a, ngoca' kantha reya, 'Rama,  
Junandalem Jehovah se Settong. Moga Junandalem esemba sareng  
emolja'agi. (Matiyus 6:10)**

**Yahya 14:6 Dhabuna Isa, "Sengko' reya jalan mon terro kennala ka Jehovah  
ban terro olleya kaodhi'an. Tadha' oreng se bisa entar ka Rama mon ta'  
lebat Sengko'.**

**Yahya 17:15 Abdidalem ta' nyo'on sopaja Junandalem mond hut reng-oreng  
gapaneka dhari dunnya; Abdidalem namong nyo'ona sopaja reng-oreng  
gapaneka sareng Junandalem ejaga'a dhari se Jahat.**

**Roma 6:12-14 Ja' kantos neng-enneng pole kantos dusa ngobasae odhi'na  
sampeyan se ta' langgeng paneka sopaja sampeyan ta' norodi  
pangaterrona se jahat. 13Ja' sampe' jugan sampeyan massra'agi  
bagiyanna badanna ka kobasana dusa kaangguy eguna'agi ka sod-  
maksod se jahat. Nangeng passra'agi aba'na sampeyan ka Jehovah  
menangka oreng se ampon ealle dhari pate ka odhi'. Passra'agi aba'epo  
sampeyan ka Jehovah sadaja me' olle eagem kaangguy ngalakone  
kasokanna Jehovah. 14Dusa ta' kengeng ngobasae sampeyan, sabab  
sampeyan ta' odhi' e dhalem kobasana hokomma agama Yahudi pole  
nangeng e dhalem kobasana rahmadda Jehovah.**

**Ibrani 9:28 Sapaneka jugan Almasih namong sakaleyen eatorragi menangka  
kurban kaangguy maelang sa-dusana oreng sabannya'na. Salerana  
rabuwa pole kadhukaleyanna, banne kaangguy mamareya orosan dusa,  
nangeng masalamedda reng-oreng se anante' rabuna.**

**Yakobus 4:8 Semma'e Jehovah, ban Jehovah bakal nyemma'ana sampeyan.  
Berse'e tanangnga sampeyan, reng-oreng se dusa! Ban paberse atena  
sampeyan, reng-oreng se acangka atena!**

**1 Yahya 1:9 Nangeng mon sampeyan ngakone sa-dusana ka Jehovah,  
Jehovah tanto neptebbi janjina sareng alampa'agi ponapa se adil.  
Salerana tanto nyapora sa-dusana sampeyan, sareng maberse sampeyan**

**dhari sadajana kasala'anna.**

### **Esapora Alketab - Forgiveness Scriptures**

**Matiyus 6:12-15 Parenge sapora abdidalem dhari sadajana kasala'an, akadi abdidalem jugan nyapora sadajana oreng se gadhuwan sala ka abdidalem. 13 Ja' maso'agi abdidalem ka dhalem gudha'an, namong palopoddagi abdidalem dhari se jahat. [Junandalem rato se molja sareng se kobasa salanjangnga. Amin.]' 14 Mon ba'na nyapora oreng se andhi' sala ka ba'na, bariya keya Ramana ba'na e sowarga bakal nyapora'a kasala'anna ba'na. 15 Tape mon ba'na ta' nyapora kasala'anna oreng laen, kasala'anna ba'na ta' kera esapora keya bi' Ramana ba'na e sowarga."**

**Matiyus 18:21,22 Saellana jareya Petrus nyander ka Isa, pas mator, "Guste, manabi taretan abdina agabay dusa ka abdina, kantos saponapa kale abdina kodu nyapora? Kantos pettong kale?" 22 Dhabuna Isa, "Enja', banne sampe' pettong kale, tape pettong polo kale pettong kale!**

**Matiyus 18:35 Isa ambu se acareta sambi adhabu, "Bariya keya ba'na bakal epakantha'a jareya bi' Tang Rama e sowarga, mon ba'na ta' nyapora taretanna kalaban ate se ehlas."**

**Markus 11:25,26 Ban mon ba'na adu'a, tape badha oreng se ta' ekasennengnge ba'na, berri'i sapora gallu oreng jareya, sopaja Ramana ba'na e sowarga kasokana nyapora sa-dusana ba'na. [ 26 Mon ba'na ta' nyapora oreng laen, Ramana ba'na e sowarga ta' kera nyapora sa-dusana ba'na.]"**

**Lukas 6:37 "Ba'na ja' ahakime oreng laen, sopaja ba'na dibi' ta' ehakime bi' Jehovah. Ba'na ja' ngokom oreng laen, sopaja ba'na dibi' ta' eokom bi' Jehovah. Berri' sapora oreng laen, sopaja ba'na esapora keya.**

**Lukas 11:4 Parenge sapora sa-dusa abdidalem sadajana sabab abdidalem jugan ampon padha nyapora sadajana oreng se gadhuwan sala ka abdina. Abdidalem nyo'ona sopaja ta' kantosa kaelangan kaparcaja'an e bakto ecoba.'**

**Lukas 17:3,4 Daddi, te-ngate! Mon taretanna ba'na agabay dusa, paenga'. Mon atobat, berri'i sapora. 4 Mon taretanna ba'na jareya agabay dusa ka ba'na pettong kale saare, ban sabban mare agabay dusa laju entar ka ba'na sambi ngoca', 'Sengko' nyo'ona sapora,' berri'i sapora oreng jareya."**

- Lukas 23:34 Isa laju adu'a, "Rama, parenge sapora reng-oreng ka'dhinto'!  
Sabab reng-oreng gapaneka padha ta' oneng ponapa se elakone aba'na."  
Rasoganna Isa egi-bagi, elottre e antarana reng-oreng se alalakon e  
jadhiya.**
- Caretana Para Rasul 8:22 Daddi buwang neyadda ba'na se juba' jareya,  
nyo'on sopaja Pangeran kasokana nyapora pekkeranna ba'na se juba'  
jareya!**
- Roma 4:7 "Salamet bahagia ka oreng se kasala'an-kasala'anna esapora ban  
sa-dusana la ebendhem bi' Jehovah!**
- Efesus 1:7 Sabab, polana sedana Almasih, sampeyan sareng kaula sadaja  
epabebas, artena sa-dusana sampeyan sareng kaula sadaja padha  
esapora sareng Jehovah.**
- Efesus 4:32 Sabalingga, sampeyan kodu becce' ate sareng bellas ase ka  
oreng laen, saleng nyapora akadi Jehovah se apareng sapora ka  
sampeyan kalaban parantara'anna Almasih.**
- Kolose 1:14 Pottrana ganeka se mabebas sampeyan sareng kaula,  
arteepon: sa-dusana sampeyan sareng kaula padha esapora.**
- Kolose 2:13-15 Gi' dhimen sampeyan sacara rohani ampon seda, sabab  
sampeyan dusa, sareng lantaran sampeyan ta' esonnat sacara lahir.  
Nangeng samangken Jehovah maodhi' sampeyan epasareng Almasih.  
Jehovah ampon nyapora sadajana dusana sampeyan sareng kaula  
sadaja, 14 ban maburung sorat otangnga sampeyan sareng kaula sadaja,  
se nyekkel sampeyan sareng kaula sareng rat-sarat se berra'. Kalaban  
nyalibbagi sorat ganeka ka kaju salib, Jehovah matadha' sadajana  
da'wa'an ka sampeyan sareng kaula sadaja. 15 E salib ganeka roh-erroh  
se marenta sareng se kobasa epata'bisa apa-ponapa pole sareng  
Almasih, ebadhi gun-tenggun e adha'na oreng bannya' e bakto sareng  
Almasih egiring menangka tawanan e dhalem baris kamennanganna.**
- 1 Yahya 1:9 Nangeng mon sampeyan ngakone sa-dusana ka Jehovah,  
Jehovah tanto neptebbi janjina sareng alampa'agi ponapa se adil.  
Salerana tanto nyapora sa-dusana sampeyan, sareng maberse sampeyan  
dhari sadajana kasala'anna.**
- 1 Yahya 2:12 Sengko' noles ka ba'na, na'-kana', sabab dusana ba'na la  
esapora Almasih.**